




ЛЕНИНЭНЬ ЖЫВА

ЛИСИ: 9-це ие,
12 № ковс

АВГУСТ
17-це чи
1939 ИЕ
115 (1099) №

ВЛКСМ-нь Мордовской обкомонтэ ды
Саранск ошонь комитетэнтэ газетаст



Шумбрат улест Советской летчиктне, минек родинань гордой соколтнэ!

Авиациянь чись

Августонь 18-це чись—Советской весе народонть массовой авиационной праздникезэ, конань правительствась аравтызе 1933-це иестэ. Августонь 18-це чистэнтэ советской весе народось эрва иене отмечае советской славной летчиктнэнь ды парашютистнэнь мастерствасть ды героизмасть, эсь родинань авиациянь чиде-чис касыця а изиявикс виенэзэ.

„Кие виев воздухсо, се минек-шкане вообще виев“ (Ворошилов). Секскак самай минек советской правительствась, большевистской партиясь ды лична сонсь Сталин ялгась авиациянь развитиянтэнь явить покш ды серьезной внимания.


Минек народось, конась пек вечксы эсь социалистической родинанть, сталинской пятилеткатнэнь ютавтомаст перть строясь мощной авиационной промышленности, способной максомс самолетт, конатне сэрейстэ, ваво ды бойкасто ливтнеманть ды материальной частнэнь качествасть коряс аштить непревзойденнойть аволь ансяк Европосо, но и весе мирсэнтэ!

Военной авиациадонтэ башка, конась эрваи фашистской провокатортнэде минек социалистической родинанть границязо неприкосновенностэ ванстомантэнь, покш значениязо гражданской авиациянькак. Минек гражданской авиациясь топавты покш народнохозяйственной работа; сон уксси пассажирт, грузт, вети аэросев, вансты пожартнэде минек необъятной масторонь вирьтнэнь ды лият.

Ленинско-сталинской комсомолось осовавиахиметь марто вейсэ развернули покш работа авиационной спортонть коряс. Аэроклубтнэсэ минек од ломатнеде кеметь тыщат овладають авиационной искусствасонть, анокстыть эсь прят искусной летчикекс, кодамокс ульнесь минек шкань Великой летчекесь Валерий Чкалов, кодамокс аштить Беляков, Байдуков, Громов, Юмашев, Данилин, Коккинаки ды советской союзонь лия геройтне.

Минек родинань летчиктнеде, сынт мастерадост, смелостедэст, упорствадост, родинантэнь ды сынт кастыцянтэнь—ленинско-сталинской большевистской партиянтэнь преданностьтэст соды весе мирэсь.

Минек советской летчиктне, конатне окруженнойть народонть пельде вниманиясо ды вечкемасо, эрваикс шкасто фашистской агресортнэнень—трудияца народонь порабителынтэнень максыть истямо сокрушительной вачкодккс, кодамо ульнесь максозь Хасан эркенть лангсо Японской провокатортнэнень!



Мезе невтить од пилотнэ

Стахановской роботань паро результат марто вастыть Саранск ошонь аэроклубонь од пилотнэ-комсомолецтнэ авиациянь чинть. Сын аволь уш пек умок тонадэст ливтнеме, но прекраснойстэ ды успешноасто овладели

Вана уш малав комсь чи, кода сэнэ менельстэнтэ, ошонть велькстэ а емсекшнить самолетнэ, а лотсекшны сынт сталень мотортнэнь зэрнемаст. Неть од пилотнэ, кода Прокопов, Миронов, братнэ Рогашевтне ды лият анокстыть машинатнэнь материальной частэст ливтнемантэнь.

Августонь 18-це чистэ аэродромсто кепетить каштонть самолетт. Васняк зрительтнэнень сын продемонстрируют звенатнэнь высшей пилотажост. Те тевсэнтэ кармасть

мо участия Брехов, Стрельченко, Несчитаева, Митрофанов, Проценко ды лия ялгатне. Тедэ мейле ули невтэзь индивидуальной высшей пилотаж, сюлмазь самолетонь ливтямот, парашютосо групповой кирьявтьнемат.

Августонь 18-це чистэ—авиациянь чистэнтэ, кода весе и союзонь пилотнэ, Саранск ошонь пилотнэ невтсызь эсь мастерствасть, смелчист самолетнэнь вецемасонть, техникань сэрей овладениясонть, эсь преданностэст народонть ды анок-чист эрва-кодамо врагонь вастомантэнь. Сын эрва шкасто учебной самолетнэнь экистэ анокт озамс боевой самолетнэнь штурвалост экше ды ветямс эсь кораблянтэнь тов, ков мери партиясь, правительствась.

Соревнованиянь результатсо

Саранскоень аэроклубонь учлестось Носков ялгась, зардо кармасть тонавтнеме аэроклубсо, эсь ике-ленэзэ путь покш ды ответственной задача—улемс социалистической отечествань виев ванстыцяк, тонадомс громамс врагонть коштсто. Штобу мелесь ды валтнэ авольть яво теждэнтэ, сон кундасэ серьезной тонавтнемантэнь. Общеобразовательной подготовказо ульнесь лавшо, мезень коряс тонавтнемань васень шкастонть вастневьсэ ламо трудность марто, но мелесь ды стараниясь солавтозь солавтэсть трудностнэнь эйсэ. Носков ялгась эсь сазоронзо марто, кона истя жо тонавтни Саранскоень аэроклубсо, сермадэсть социалистической соревнованиянь

договор, конасонть кавонест сайть обязательства отличнасто овладеть летной тевсэнтэ.

Ней сын ютавтыть практической занятият. Кабинас васняк озамось ламо учлетнэнень неяви опаснойкс, аволь истя неяви Носков ялгантэнь ды сонзэ сазоронзо туртов, сынт ульнэсть кеме теоретической фундаментэст. Нурька шкас кавонест тонадэст самостоятельно ливтнеме. Ливтнеманть коряс инструкторось свал тенст пути отличной оценкат.

Авиационной чинть эйсэ сын вастыть ливтнемань седеяк сэрей показателытнэсэ, экипажонь составтнэнь дисциплинаст кемекстамосо ды эсь идейно-политической уровенест седеяк пек кепедемасо.

Павел Герман

Авиационной марш

Минь шачинек, штоб евксонть теэмс тевекс,
Изьямс покш таркат, певтеме простор.
Превтне тенеке максэст селмот—
сталень кедекс,
Седеень таркас—толонь пси мотор.
Минь верев ды верев ды верев
Пек бажатано ливтямо,
Ды эрва пропеллерсэнтэ эри
Врагтне лангсо покш изьямо.
Эсь аппаратсонть ертовозь сэрейстэ
Или теэзь чудесной ливтямот,
Несынек, кода кемексты эрейстэ *)
Мирсэнтэ васенце пролетарской флот.
Минь верев ды верев ды верев
Пек бажатано ливтямо,
Ды эрва пропеллерсэнтэ эри
Врагтне лангсо покш изьямо.
Пшти вановтонок сови эрва атомс,
Эрва нерванок оршазь смелчисэ,
А тандавтсамизь врагонь ультиматум—
Флотось отведи Родинанть кисэ.
Минь верев ды верев ды верев
Пек бажатано ливтямо,
Ды эрва пропеллерсэнтэ эри
Врагтне лангсо покш изьямо.

* Эрейстэ—бойкасто.

Эрзякс сермадызе П. Любаев.

ИНФОРМАЦИОННОЙ СООБЩЕНИЯ Мордовской АССР-нь Верховной Советэнь васенце созывень омбоце Сессиянь заседаниятнеде

Исяк, августонь 14-це чистэ валске 10 чассто Мордовской АССР-нь Верховной Советэнь зданиянь залсонть ульнесь Верховной Советэнь омбоце Сессиянь валскень заседаниясь.

Председательствует—Мордовской АССР-нь Верховной Советэнь председателесь депутатось В. П. Петушков ялгась.

Чинь повесткасонть—1939 иентень МАССР-нь государственной бюджетэнтэ кемекстамось.

1939 иентень Мордовской АССР-нь государственной бюджетэнтэ ды 1938 иестэ государственной бюджетэнтэ топавтомадо Мордовской АССР-нь Финанстэнь Народной Комиссаронть Шепаксов ялганть докладонзо коряс прениясо васенце кортась депутатось Федор Михайлович Цыганов ялгась.

Цыганов ялгандь мейле прениясо кортасть депутатэ Г. А. Лосев, И. Д. Кальчугин, Пужаев, И. П. Начаркин, Хайн, И. П. Агапов, Митраков, Фомичева, Верендякин, Коптев, Клюев, Дьяконов.

Чокшнень заседаниясонть Сессиясь кунсолызе Финанстэнь Народной Комиссаронть Шепаксов ялганть ды Верховной Советэнь Бюджетной комиссиянь председателень депутатонть Мишин ялганть заключительной валост. Сессиясь ве мельсэ кемекстызе 1939 иентень МАССР-нь бюджетэнтэ.

МОРДОВСКОЙ АССР-нь ВЕРХОВНОЙ СОВЕТЭНЬ ВАСЕНЦЕ СОЗЫВЕНЬ ОМБОЦЕ СЕССИЯСЬ Валскень заседаниянь дневникесь

Августонь 15-це чистэ Мордовской АССР-нь Верховной Советэнь омбоце Сессиянь ульнесь нилеце заседаниязо. Председательствует—Верховной Советэнь Председателесь депутатось В. П. Петушков.

Сессиясь ушодсь чинь порядоконь омбоце вопросонть обсуждениянтень. Мордовской АССР-нь трудиянь депутатэнь районной, ошонь велень ды поселковой Советс кочкамотнеде Положениянь проектэнтэ докладонть туртов максови вал депутатонть А. А. Мишинэнь.

Докладтонть мейле Положениянь проектэнтэ коряс ушодовсть преният. Прениятнесэ выступающей весе депутатэ шныть Положениянь проектэнтэ ды тешкстыть асатыкстэнь, конат ульнесь ютась кочкамотнень ютавтомо.

Депутатось М. Е. Ситюков (Рузаевка) тешксты Рузаевкань трудиянтень энтузиазмадост, сплоченностедест ютась кочкамотнестэ, тешксты кода те энтузиазманть результатсо рабочейтне, крестьянтэ ды интеллигенциясь добиваются од ды од победат роботань весе участкатнесэ.

Н. И. Христофоров депутатось (Еоенком) тешксты минек од ломатнень, допризывниктнень энтузиазмадост, сынт бажамадост Якстере Армияв добровольна приамодост.

— Улить сядот заявлянт, — корты Христофоров ялгась, — льготатнестэ призывниктнень отказамост кувалт.

Христофоров ялгась лоткась якстереармеецтнень героизмастлангс. Теде мейле сон шны Мордовской АССР-нь трудиянь депутатэнь районной, ошонь, велень ды поселковой Советнэс кочкамотнеде Положениянтэ.

Теде мейле валскень заседаниясонть прениясо кортасть: депутатось М. С. Титов, депутатось М. И. Куркова (Краснослободск), депутатось В. В. Лобанова, депутатось Д. Ф. Учаев, депутатось Н. У. Байчури, депутатось М. И. Салмыкова, депутатось Д. Д. Ускреев, депутатось А. А. Толстых, депутатось И. Ф. Борисов, депутатось МАССР-нь Верховной Советэнь Президиумонь председателесь М. А. Чембулатов.

Чембулатов ялгась корты массатнень политической ды производственной под'емност, массатнень организовамос Советнэнь рольдест. Сон истяжо тешкстас кой-кона Советнэнь роботасост асатыкстэнь ды тердсь, штобу депутатэ лездавольть советнэнь роботасост. Тенсэ прениянтне омбоце вопросонть коряс прядовить.

Теде мейле депутатось А. А. Мишин ловны Мордовской АССР-нь трудиянь депутатэнь районной, ошонь, велень ды поселковой Советнэс кочкамотнеде Положениянтэ. Проектэнтэ ловномадо мейле омбоце Сессиясь ве мельсэ кемекстызе кочкамотнеде Положениянтэ.

АВГУСТОНЬ 15-ЦЕ ЧИНЬ ЧОКШНЕНЬ ЗАСЕДАНИЯНЬ ДНЕВНИКЕСЬ


Исяк, августонь 15-це чинь чокшнень заседаниясонть МАССР-нь Верховной Советэнь омбоце Сессиянь ульнесь 5-це заседаниязо. Сессиясь кунсолызе Юстициянь Народной Комиссаронть П. П. Радайкин ялганть докладонзо судоустройствадонть ды МАССР-нь Верховной Судонть кочкамадо.

Докладчикесь евтнесэ минек масторсо судонть значениядонзо ды противопоставлял капиталистической мастортнэсэ судтнэнь.

— Советской судось, — корты докладчикесь, — аволь ансяк прок карательной орган, но сон ашти сех пек воспитательной органокс. Капитали-

стической мастортнэсэ судось вансты капиталистнэнь, помещиктнень ды кулактнень интересаст. Минек судось — трудиянтнень интересаст ванстомань орган, социалистической собственностэнь ванстомань орган.

Докладтонть мейле чокшнень заседаниясонть предложениянь теаманть туртов вал максовь Динов депутатонть. Динов ялгась предлагает МАССР-нь Верховной Судонть кочкамс 15 ломаньстэ. Те преддржениянтэ Сессиясь примизе единогласна. Теде мейле омбоце сессиясь кочкась МАССР-нь Верховной Суд 15 ломаньстэ.



Авиациянь Весоюзной чинтень. СНИМКАСОНТЬ: Ленинградской аэроclubонь латчикесь-инструкторось Н. И. Морозов мода лангс валгомадо мейле.

Фотось Н. Яновонь.

Сестэ, зярдо ВЛКСМ-нь райкомось ашти ве пеле

Воеводской велень комсомольской организациясонть ловить 18 комсомолец—точно (секретаресь Пучагев) а содасынзе, зярдо жо ульнесь и мелят, отчетно-выборной периодонь шкастонть.

Ней вансынек, кода жо роботы комсомольской организациясь? Васняк, сайсынек общей комсомольской собраниянтень эйстэ секс, што комсомольской собраниясь является комсомолецтнэнь туртов политико-воспитательной роботатнэнь эйстэ вейкекс. А месь грехенть сепомс, сави евамс, што тесэ комсомольской собраниянтне эрсить пек чуросто, кавто ковс весть. Собраниясонть, кода содазь, эряви примамс аравтозь чинь повесткасонть гопростэнь коряс решениянтэ.

Вана минек икеле 1938 иень августонь 15-це чинь 15 № протоколось, чинь повесткасонть аравтозель гопросось Авиациянь чиденть. Кортнестэ-тейстэ, примастэ решения:

«Немедленно роботас а лисемась, в части, пивцэмань срывесь ды лият комсомолонть Обоимава-нень ды Земдой (Земцовань таркас—ред.) яволявтомс выговор». Седе тов. 1939 иень июнен 15 чинь ютавтозь собраниясонть чинь повесткасонть вопросось ульнесь культмассовой роботадо. Решения жо примастэ истямо: «Кеместэ бороцамс колхозной собственностэнь салыцянтень каршо»—истят мездеяк а кортыця решениянтне—комментариявтомс чаркодевить. Протоколтэ ды лия комсомольской документнэ ванстовить секретной сёрматнень марто ве папкасо, велень советэнь шкафсо, конанть панчнесы аволь ансяк комитетэнь секретаресь, но велень советэнь члентняк, а месь уш кортам председателденть. Комсомоль-

ской тевтне не подшигаются, а бути мелень протоколтэ и подшитойть, то яла теке толк а муят, сынь истя тапаризь, што вейкеяк протокол прядозь а муят.

ВКП(б)-нь историянтэ тонавтнемадонзо кортамскак уш а сави. Тесэ комсомолецтэ а содасын мик сень, мейсэ ВКП(б)-нь 18-це с'ездэс келейгавтынзе комсомолонть задачанзо. Истя жо кеместэ эзизь толкова ВЛКСМ-нь VIII-це пленумонь решениянтнэнь ды партиянь ды правительствань мельсэ решениянтэнь.

Аволь союзной од ломатне тесэ стувтозь тев. Апак вант се лангс, што велесэнтэ ловить малав сядо од ломань. Ули паро клуб, ко-со можна ветямс культмассовой робота, кода од ломатнень, истяжо колхозниктнэнь ютксоак, но робота жо кодамоак арась, мезень коряс овсикс а касы комсомольской организациясь.

Комсомольской организациянь берянь роботань причинакс ашти се, што Воеводской велесэ райцентранть эйстэ ашти ве пеле. ВЛКСМ-нь райкомонть представителть тесэ эрсить чуросто, райкомось комсомольской организациянтэ роботанзо а содасы. Ды овсикс аволь случайно, што сестэ, зярдо ВЛКСМ-нь райкомось первичной комсомольской организациянтэ эйстэ ашти ве пеле, лиснить роботань берянь пек результатт. Сави надеямс, што ВЛКСМ-нь райкомось шашты седе малав комсомольской организациянтэнь ды вадрягавтсы роботанзо истя, кода тень вешить ВКП(б)-нь XVIII-це с'ездэнь, ВЛКСМ-нь VIII-це пленумонь решениянтэ. Седе тов истямо корс а кирдевикс положениясь не может кадовомс.

Кочкуровской р-н

П. Кильдюшкин.

СССР-нь Наркомфинсэ

Колмоце Пятилеткань Заемось топавтозь велькса 1 миллиард 52 миллион целковойс

Те иень августонь 2-це чистэнь 6 миллиард целковой сумма лангс нолдазь Колмоце Пятилеткань (васенце иень выпуск) заемось топавтозь августонь 12-це чинтень, лиякс меремс кевейкее чинь перть, 7 миллиард 52 миллион целковонь суммас, мезе

означает велькса топавтома 1 миллиард 52 миллион целковойс. Зярды местной организациянтэнь предложениянт лангс ванозь, заемонть сермадетомась кувалгавтозь августонь 20-це чис, те чиденть мейле заемонть сермадетомась ули лоткавтозь,

Советской спортивной авиациясь

А умок минь получинек Париж-стэ Международной авиационной федерациянь пельде рекордтнень сводка, конатне установленнойт меельсь колмо ковнестэ. Те сводкань графасонть „кодамо мастор“ эрва таркасо ашти—„СССР“. Ансяк вейке рекорд—планерсэ васов ливтямонь коряс загодь намеченной пунктс—ашти Германиянь туртов. Но те рекордоськак эрвась а куватьсь. Советской планеристтнэ Карташов, Совцов, Клепикова, Зеленкова блестяще перекрыли сонзэ.

Весенень повнявить В. П. Чкаловонь васов ливтямотне, минек кораблятнень ливтямотне Востоков—Тихой океанонь берегтнень, Северэв—полюсонть велькса США-с, Западонь—Атлантической океанонть велькса Северной Америкас, Югов—Черной морянь берегтнень. Те шкас кияк не превзошел Громовонь экипаженть рекордонзо, кона ливтясь замкнутой кривой линияванть 2.411 километра ды кирдевсь коштсо 75 част.

Косояк мирсэнтэ авиационной спортось эзь получа истямо келей развития, кода СССР-сэ. Осоавиахимень аэроклубтнэсэ ды школатнэсэ, парашютной ды планерной кружоктнэсэ минек од ломатне тонавтнить изиямонзо стихиянь. Осоавиахимень авиациясь аноксты Рабоче-Крестьянской Военно-Воздушной Флотонь боевой резерв фашистской агресортнень каршо грядущей бойтнень туртов. Сы шкань пилоттнень анокстамосонть васенце ступенекс ашти увлекательной спортось—планеризмась. Течень планеристсьэ тренировкадонть мейле может кундамс истребительнень рульс ды вадрясто управлять сонзэ эйсэ.

Минек масторсь ашти мирсэнтэ васень таркасо планерной рекордонь числать коряс. Ольга Клепикова теись планерсэ васов ливтямонь абсолютной рекорд, кода церань туртов, истя жо авань туртовгак,—ливтясь 749 километра, 23 метра. И. Л. Карташов ливтясь пассажир марто „Стахановец“ планерсэ загодь тешкстазь маршрутка Московто Горькоев 355 километра 70 метрат. Евдокия Зеленкова куйсь вейке тарка марто планерсэ 2081 метрань сэр, а Людмила Великосельцева кавто тарка марто планерсэ—1634 метрань сэр. Те—кавто тарка марто планерсэ высотной ливтямонь тейтерь-авань васень рекорд. А умонь планерной состязаниятне Туласо невтизь, кодамо совершенства марто дарительтне вла-

деют высшей пилотажень искусствасонть. 14 Всесоюзной состезаниятнэсэ советской планеризмань мастертнэ Карташов ды Киммельман ялгатне установили ве шкасто кавто международной рекордт. Сын ливтясь планерсэ загодь тешкстазь пунктос ды мода лангс атак оза веляйтсь мекев, покрыли Тула—Рязск—Тула маршрутонт коряс 340 километрашка расстояния.

Од воздухоплатательтне Аleshин ды Бурлуцкий ве шкане установили кавко международной рекордт, ливтясь сферической аэростатсо 1701 километра, 810 метра. Выдающейся ливтямо сферической аэростатсо теись А. Кандратьева, кона ве шкасто установила 16 международной рекордт.

Пек вечксыз воздушной спортонт эйкаштнэяк. Сын конструируют модельт, тейнить сынест бензиновой моторнэть. Ды неть самолеткетне вейке-вейке мельга икельдит те шкас улеть мировой рекордтнень. Истя, Московонь школьникенть Леонид Воробьевонь моделезэ ливтнесь коштсонть 1 час, 31 минута, 24 секунда. Уфимовецэнт Владимир Бойковонь моделезэ ливтнесь 1 час 51 минута 40 секунд.

Замечательной успех добились советской парашютистнэ. Парашютизмась СССР-сэ кармасть улема массовой спортко.

Воздушной спортось—авиационной техникань касомань ды прогрессэнь, авиационной искусствань двигатель. Секс истямо энтузиазма марто занимаютсь эйсэзэ сталинсконь од ломатне.

Минь ней эртано минек родинанть каршо войнантень фашистнэнь ендо бешенной анокстамонь шкастонть, те войнанть эрва шкань провокациянь условиятнэсэ. „... Эряви мезе-вийсэ виензамс ды кемекстамс минек Якстере армиянь, Якстере флотонт, Якстере авиациянь, Осоавиахименть. Эряви весе минек народонт кирдемс мобилизационной готовностень состояниясэ военной нападениянь опасностень икеле, штобу кодамояк „случайность“, ды минек внешней врагтнэнь кодаткак фокустнэ не могли застанямс минек врасплох...“ (Сталин).

Обнаглевшей врагось а застанясамизь минек врасплох. Весе народонь вечкемасонть окрыленной, эсенек родинантень, Ленинэнь—Сталинэнь теветень преданной, мужественной советской летчиктне эрва шкане анокт победной бойтнень.

И. СПИРИН

Советской Союзонь героесь.

Стахановской движениянь нилеце годовщинадонзо икеле

Масторонь предприятиятнэсэ седеяк келейгады социалистической соревнованиясь стахановской движениянь нилеце годовщинань достойной вастоманзо кис. Те знаменательной датантень заводонь ды фабрикатнень коллективтнэ анокстыть производственной подаркат.

Сталин лемсэ Московской автозаводсо пек парсте роботы литейной ковкой чугунонь коллективесь. Эрва чистэ цехесь норманзо топавтнэсь велькса. Сехте пек отличается Афонин ды Глазков ялгатнень формовщикень бригадатне. Сын эсест ковоень программанть топавтызь срукто икеле, августонь 10-це читнень, ды ней лездыть кадовицятнень.

Л. М. Каганович лемсэ васень господшипниковой заводсо стахановской роботань образец невти точной роликень цехень участкась, конасонть руководит мастерэсь Гордашников ялгась, станоктнэстэ каясь 46 тыща роликт, планонт коряс жо эрвась 23 тыща.

Донбассонь передовой шахтанень ды участкатнень горняктне стахановской движениянь годовщинань вастыть производственной плантнэнь срукто икеле топавтнемасо.

Орденосной кремённая шахтась, „Известиятнень“ лемсэ шахтась ды лиятне срукто икеле топавтызь уголиянь кавко ковоень планост.

(ТАСС).

Серма редакцияв

Стройтрестэсь сези педучилищань ремонтонт

Саранской педучилищанть строямо республиканской стройтрестэнь марто заключенной договоронт коряс должен прядомосте иень июлень 15-це читнень.

Перспективат строительстванть срукс прядомантень ульнест седе ламо, чем эрвасть. Но сентаркас, штобу шкасто прядомостроямонть, стройтрестэсь умышленно затягивает сонзэ прядоманзо.

Строительной материал площадкасонть улить, но мекс-бути саизь тестэ роботамсто плотниктнень, штукатуртнень, мозаичниктнень. Тень коряс тесэ атак тее кадовсть кустиматне.

Киякстнэнь ацамосо вана уш недлянь перть роботыть ансяк кавто ломать. Кадовсь весемезэ 150—200 кв. метра штукатурка, но сонгак лоткавтозь, секс, што арась известь, алебаstra. Потолоктне лангс атак кая мода, истя жо робочейтнень асатнемадо.

Седеяк берянь се, што стройтрестэсь роботань разгарстонть волдызе отпусков 2-це № строительной участкань начальникенть Нестеров ялганть, кона мог бутуемс отпусков седе мейле, ютко шкасто.

Минек тонавтнеманть ушодовоманзо туртов овсе арась помещенинок, а тонавтнеманть самс кадовсть ловозь чить.

Саранской педучилищань коллективесь энялдтано редакциянтень, штобу сон тенек лездаволь училищанть достройкасо.

А. А. Малкина, С. П. Рябова, С. Потапкин, Е. Парватова, С. Сиротин. Весемезэ 9 подпись.

Редакциянт пельде:

„Ленинэнь киява“, газетань редакциясь кеми, што МАССР-нь совнаркомось заинтересуется стройтрестэнь роботасонзо ды теи эрявикс выводт. Истямо положенийсь седе тов корс а кирдевикс.

Зярс еще бездельникентень кармить пандомо зарплата?!

Кечушева велень клубонь заведующеесь Горин ялгась эсь халатностензэ кувалт овсе калавтызе клубонт роботанзо. Клубонь кенкштне свал эрять панжомо экшэ, вальманзо тапазь, биллиардось яжазь. Культурно-массовой роботась Горинэнь мельсэ зярдояк а эри. Клубонь якстере уголоксонть ульнест Ленинэнь ламо сочиненият ды политической лия литература, ней жо мезеяк тосо арась.

Од ломатнень а косо культурнойстэ оймсемс, секс сын а весть пеняцясть парткомс Горин лангс, кона канды ВКП(б)-нь членэнь лем, но эсь роботанзо честнасто а топавты. Атак вано тень лангс Горин марто кодаткак мерат примазь арасельть ды те шкас сон паро лацо а роботы. Зарплата жо яла теке пандыть тензэ. Зярс еще бездельникентень кармить пандомо зарплата?!

Д. Жуков.

Козловской р-н.



Авиациясь народной хозяйствавань службасонть СНИМКАСОНТЬ: Гражданской воздушной флотонь специальной применениянь авиаотрядонь пилотось-стахановець К. П. Михайлсь сырги ливтнеме, штобу ваномс Московской областень высоковольтной передачань линиятнень.

Фотось Д. Черновонь.

Заготзернонь комсомолетнэнь примерэст

Семилеень заготзернось парсте организовазь вастызе государстрав сюронь максоманть, складтнэ сюронь примамонтень умок уш анокт. Тедеде срукто икеле строязь еще вейке од склад.

Меельсь кавто читнень государстрав сюронь ускомась кармасть улема массовойкс, нетне читнень заготзернось примась 300 тоннат суро. Активной участия те важнейшей государственной роботасонть примить комсомолетнэ, почти весе основной роботатнэсэ, техноруксто саезь лаборанткакс, роботыть комсомолет. Весе сын эсест вадря производственной ды общественной роботасост од ломатнень ды колхозниктнень ютксо аштить примеркс. Лабораториянь заведующеесь-комсомолецэсь Наумкин ялгась, роботанть аравтызе истя, што лаборанкатне невтеть роботань паро показателть, мезень кис заготзернонь управлениясь кастызе комсомолканть А. П. Арбузовань зарплатанзо.

Теск жо тешкстасынек сеньгак, што тесэ а беряньстэ ладязь колхозниктнень - хлебосдатчиктнень ютксо культурной обслуживаниясь; ульцясо кортыть кавто громкоговоритель, ули парсте оборудовазь якстере уголок, косо эрва шкасто можна муемс свежа газетат, журналт, политической ды художественной литература. Налкси патефон. Заготзернонь управляющеесь Сурков ды комсомолонь комитетэнь секретаресь Немойкин ялгатне мельс паросо колхозниктнень-хлебосдатчиктнень кучить якстере уголок, косо сынст учи гостепримчивой культурникесь.

П. К.

1:0 счет марто

Чамзинка. Августонь 13-це чистэ райцентрасо вастовсть средней школань эйкашонь футбольной кавто командат. Упорной налксемадонт мейле победил васень командась 1:0 счет марто.

И. С.

ВЕЛЕНЬ ХОЗЯЙСТВАНЬ ВЫСТАВКАСТО

АХАЛ-ТЕКИНСКОЙ АЛАШАТ

Минек эрадонть икеле ветеце пингестэ весе мирэнтэ келес кандсть слава резвой, выносливой ды пек бойкасто ардыцят ниссейской алашатне. Персидской царентень Ниссеясь эрва иестэ макснесь 20 тыща парт алашат. Ниссеянь ды Бактриянь эрицятне ульнест коневодствань покш мастерэкс. Теде сермады кезэрь пингень историкесь Герадот, кона эрять минек эрадонть икеле ветеце пингстэ. Кезэрень пингень знаменитой ниссейской алашась—праотец кезэрень пингень туркменской алашантень. Туркмениань Ахал-текинской алашатне—прямой потомкат ниссейскойтненень ды кезэрень пингень туркменской алашатненень. Ахал-текинской алашатне ней славятся весе мирэнтэ келес эсест выносливостьсэст, бойка чисэст,

резвостьсэст, васоло ды продолжительной переходнень тема-сонть. Мирэнь весе мастортнэ явить интерес те верховой алашантень.

Велень хозяйствань Всесоюзной выставкэсто „Животноводства“ ошкесэ посетителесь неи ахал-текинской породань сехте вадря конематкат ды производительть. Тесэ невтить Ашхабадской районь „12 лет РККА“ колхозсто мазы алашанть „Май“, Ворошилов лемсэ колхозсто—эсь вашонзо марто „Сульгун“ эльденть, 69 № Конесовхозсто „Товшан“ айгоронть, „Большевик“ колхозсто „Маро“ айгоронть, „Тезе—дайхан“ колхозсто — „Ак Белеконт“, Марыской государственной конюшнясто „Меле“ айгоронть ды лият.

Орошаемой земледелиянь передовик

Саратовской областень пельде выставкань участниктнень ютксо—Пугачевской районь „Красный герой“ колхозось. Те колхозонтэ основной достижениянзо—орошаемой земледелиянь правильностэ организовамось.

Те колхозонтэ орошаемой участказо зани 400 гектар. Орошаемой участканть лангс зерновой культуратнень видемась те иестэнтэ ютавтозь зябь алов. Изамодо, культурациядо ды суперфосфатсо удоб-

рениядо мейле участканть лангсо ульнест керязь оросительной сеть. Сетентень ведь максови вете насосо, конат аравтозь Иргиз лентень лангсо. Колхозсо оросительной системанть сэрей качествадонзо корты сонзэ бесперебойной роботанзо фактось

„Красный герой“ колхозонтэ опытнэзэ марто выставкань посетителтнень знакомит специальной кинофильма.

ГРУЗИНСКОЙ НАРОДНОЙ ТВОРЧЕСТВАНЬ ОБРАЗЕЦТ

Выставкэсто Грузиясь сюпавсто невтисе эсензэ народной творчестванзо. Тесэ—чувто лангсо резьба, викшнемат ды ламо лият. Чувто ланга резбанть ютксо выделяются В. И. Ленинэнь ды И. В. Сталинэнь портретнэ. Пек парт художественной викшнематне „Таризл

лей чиресэ“ Амбролаурской районь колхозницанть Н. Квиквидзень роботазо. Шелксо ды сырнесэ викшнесэ столешникт, панно, занавескат, сумочкат,—А. Джанджигри, М. Церетели, Е. Самуржян, Т. Гедеванишвили ды лиятнень роботаст.

Успешнасто моли од заемонть лангс подпискась

Ардатово. Районь трудяцятне покш мельс-паросо максуть эсь сбереженияст колмоце пятилеткань (омбоце иень выпуск) заемонть лангс. Ютась иестэ заемонть лисемадо колмоце чидент мейле подписной суммась районьтэ келес ульнест 97000 целковой. Те иестэнтэ, теке жо шканть перть сон составляет 205 тыща целковой. Августонь 12-це чис уш ульнест 428000 целковой лангс.

Сехте вадрясто ютавтови подпискась Кузьминской вельсоветканть, Четвертаковской вельсо-

ветканть ды Куракинской МТС-сэ. Ламо колхозникть ды рабочейть ярмактнень каить сеске, наличнойсэ.

Но яла теке успештнень марто тесэ вастневить асатыксткак. Самемс хоть Ардатовской МТС-нтэ, косо заемонть лангс подпискась юты самотексо. Морозов ялгась, конанень порученной те тевесь, поручениянть марто не справляется, лавшосто топавты эйсэнзэ, мезень коряс МТС-нь рабочейтне ды роботниктне а весе охваченнойть подпискасо.


В. Аношин.

Од заемось седеяк сюпалгавтсы зрямонок

Атюрьевской районь „Видеэрямо“ колхозонь колхозниктне вадрясто чарькодизь сень, што од заемось седеяк сюпалгавты минек колхозной зрямонть. Васняк заемонть подписались колхозонь ста-

хановецтнэ: С. В. Коврин—100 целковойс, Ф. В. Ермолаева—25 целковойс ды лият. Весемезэ сермадсть 2.750 целковой сумма лангс.

Кижайкин.



Капиталистической мастортнень трудяцятне тонавтнить „ВКП(б)-нь Историянь Краткой курсонть“. Иностранной кельсэ сонзэ изданиясь вастась живейшей отклик капиталистической масторонь трудяцятнень ютксо.

Бельгиянь компартиясь келестэ развернул кампаниянть „ВКП(б)-нь Историянь Краткой курсонть“ распространениянзо кисэ. Специальной автомобиль-библиотека яки масторонь весе районьтэ, знакомит бельгийской трудяцятнень те замечательной документанть марто.

СНИМКАСОНТЬ: Автомобиль-библиотекась Брюсселень улцятнестэ.

(Фотохроника ТАСС).

Кулось художникесь И. И. Бродский

Августонь 14-це чисэ 12 чассто 30 минутасто Ленинградсо стака ормасо куватьс сэрдемадо мейле кулось крупнейшей советской художникесь, художествань Всероссийской Академиянь директорось, искусствань заслуженной деятельсэ орденоносецсэ Исак Израилевич Бродский.

**

И. И. Бродский ульнест неень шкань крупнейшей художникес, советской изобразительной искусствань мастерэкс, советской интеллигенциянь выдающейся представителекс.

Еще зяро тонавтнесэ художествань Академиясо, Исак Израилевич примась участия студенческой революционной движениясо.

Октябрьской революциядонть мейле передовой интеллигенциянть марто вейсэ И. И. Бродский кармась улеме социалистической обществань активной строителень рядтнэсэ. Минек масторонь весе трудяцятне И. И. Бродскоень содасызь прок художникень, кона, эсь полотнатнес рисовась социалистической революциянь крупнейшей событиянть.

„Расстрел 26 бакинских комиссаров“, „Ленин на Путиловском заводе“, „Ленин на проводах частей Красной армии на польский фронт“, „Нарком обороны К. Е. Ворошилов на лыжной прогулке“—И. И. Бродскоень неть ды ламо лият картинатнень вадрясто содасызь советской масторсо ды границьянть томбале.

Советской Союзонь Правительствась отметил советской искусствань икеле И. И. Бродскоень исключительной заслуганзо высшей наградасо—Ленинэнь орденсэ.

(ТАСС).

Данцигсэ напряженной положениась

Английской печатесь пачти, што меельсэ колмо недлятнень перть Германиясто Данцигсэ сась ламо тяжелой артиллерия.

Августонь 2-це чисэ Данцигсэ ульнест, кода мерить, германской морской союзонь антипольской демонстрация, конань организовизь данцигской фашистнэ. Данцигской фашистнень руководителесь Фостер, кона выступил речь марто, являвтьсэ, што Данцигсэ сатышкасто кемекстась ды аноктась возможной нападениянть.

(ТАСС).

ТАСС-нтэ опровержениязо

„Илюстрованы курьер подзены“ газетась пачти, што Рузвельт буту бу эсь сермасонзо, конань максызе Молотовнень Штейнгард посолось, предлагает сотрудничества Советской Союзонть марто Дальней Востоксо японской экспансиянть каршо ды алты Американь гарантият Советской Союзонть Япониянть марто войнаь случайстэнтэ, Англиянть ды Франциянть марто военной союзонть Советской Союзонть ендэ подписаниянь условиянть пингстэ, ды истяжо Китаенень экономической лездемо Япониянть каршо бороцямосонть ды што буту бу неть вопроснень обсуждениянть туртов Рузвельт анок кучомс Московов специальной делегация Англиянть ды Франциянть марто Советской Союзонть ендэ пактонть подписаниядо мейле. ТАСС-сь уполномочен пачтамь, што „Илюстрованы курьер подзены“ газетанть весе те сообщениязо ашти педепес сплошной вымыслас.

Ответ. редакторонть кис И. И. ЕГОРОВ.